

Famia Kalpoe a nenga Texas Equusearch di haci buskeda rond di nan cas



Pa sorpresa di tur hende, Mama di Satish y Deepak aki ta prohibi e grupo di Texas Equusearch di haci buskeda rond di nan cas.

ORANJESTAD (AAN): E grupo di Texas Equusearch a bin Aruba, riba peticion di famia Holloway, pa asina purba di localiza Natalee kende awe tin exactamente 1 luna perdi.

E grupo di Texas Equusearch a ricibi tur cooperacion di Aruba, pa asina nan usa nan experticio den buskeda. Nan ta bay busca den varios area bao di laman, pero tambe ta usando cacho specialmente entrena pa check den areanan di Dam cu tin rond di Aruba.

Aruba sigur a duna e grupo di Texas Equusearch un "welcome" grandi.

Pero, lamentablemente e grupo a haya un "No Welcome" na cas di famia Kalpoe na Hooiberg.

DIARIO tabata presente, ora cu Diaranzon merdia 12'or, e grupo di Texas Equusearch tabata den e area y kier a haci un buskeda rond di e cas. Di e forma ey, por

haci e buskeda rapido y si acaso no haya nada, lo por deduci mesora cu no tin nada eynan.

Pero ora cu nan a bay bati na porta di famia Kalpoe, nan a ricibi un actitud di "You-Are-Not-Welcome-Here".

E mama di Satish y Deepak Kalpoe a sali, y a nenga e grupo di Texas Equusearch di subi su tereno. Ni maske nan a splike na un bon manera, cu e buskeda aki simplemente lo yuda pa aclarea cu no tin "nada" eynan, tog e rechazo a keda.

E grupo di Texas Equusearch a muestra di a keda sorprendi pa e actitud aki. Nan no a spera di lo worde nenga acceso pa e buskeda aki.

RESTO DI BUSKEDA

Pero tog e grupo a haci buskeda den e area ey. Nan a check tambe e dos dam cu tin cerca di Indian Rock Garden.



Fuera di ey, nan a busca tambe den area di Dam di Canashito, den Santana, y ta usando sistema di GPS pa marca nan pasonan.

Nan lo sigui cu e buskedan an awe.

DIARIO a compronde cu e grupo di Texas, ya caba a reduci nan personal for di 27 cu nan a bin cune. Como 1/3 parti di e grupo a bay back Texas, incluyendo 5 experto di Scuba-Diving. E resto lo keda kizas te Diadomingo awor.

SECURITY Y SU OPINION DI POLIS

Un di e guardianan di seguridad, kende a worde encarcela inocentemente den e caso di Natalee na Aruba, a declara na TV Mericano cu den su opinion, na final e ta kere cu algun cabez di Hefenan di Polis y tambe di Fiscal tin di bay cay.

El a declara esey den un entrevista extenso teni Diamars anochi cu Fox News Channel.

Aki el a muestra con riba e mainta di su detencion, cu el a spierta pa habri wowo y descubri un Hefe halto di Polis den su camber, y ta bise cu e ta worde deteni. Nan no kier a bise pakico.

E ta existi te dia di awe, pa haya un "disculpa" publicamente di Polis pa cu e trato cu el a ricibi, sinembargo ainda esey no a socede.

Den e entrevista, Mickey John a bise cu di su parti,

DIARIO ta muestra, cu no solamente Polis, pero tambe e mama Beth Holloway, a bise cu el a keda devasta cu



Huez a laga e tata Paulus van der Sloot den libertad. "Mi sa den mi curazon cu e tata tin e contestanan," Beth a bise den un entrevista cu prensa Mericano.

El a bise cu su sospechonan ta basa riba e actitud di e tata ora cu nan a bay su cas siman

pasa buscando contesta pa nan preguntanan. El a bise cu Anita van der Sloot mester a usa napkin constantemente pa seca sudor cu tabata core riba frenta di Paulus cu tabata hasta leak y cay riba mesa. No obstante nan tabata sinta bao di un fan.

Jorge Pesquera di AHATA

Turismo di Aruba te ainda no ta sufri bao di caso di Holloway

ORANJESTAD(AAN): Durante di conferencia di prensa di Gobierno prensa a puntra Jorge Pesquera cu ta C.E.O di AHATA, si turismo a sufri den e periodo cu nos ta aden, despues di henter e asunto rond di desaparicion di Natalee Holloway.

Pesquera splica cu te ainda no a ripara ningun efecto negativo, pa locual ta e cantidad di turista cu ta bishita Aruba.

El a splica cu e Tour Operatornan a bise cu te hasta tin un aumento den e boekingnan, compara cu añanan anterior.

Sinembargo AHATA ta monitor e situacion, pero te ainda tur cos ta bayendo hopi bon.

Pesquera a bise cu durante un reunion na Chicago cu tour operator y aerolineanan, a sali afor cu berdad no tin nada di preocupa te ainda.